

पावलसे तिमोथीदा भिबा न्हीरेमला चिठी

चु चिठीला बारेरी पाङ्तो:मा

भिबा म्हि: येशूला मुल चेला पावलसे भिबा मुबा (२ तिमोथी १:१)।

भिबा ग्ला: रोमला भयाल्खानग्याम भिबा मुबा।

भिबा साल: ओस्पन ईश्वी संवत् ६५-६७ (विक्रम संवत् १२२-१२४)
सालला गुडरी भिबा मुबा।

खाल्दा भिबा: तिमोथी भिबा म्हिदा भिबा मुबा।

चु न्हीरेमला चिठी पावलसे थाबा पिन्बा समाचार थे:ना लबा हाड भन्दा च्याङ्बा तिमोथीदा जे पिन्बा सल्लाह हिन्ना। चु चिठीला मुल ताम चा “नाबा” हिन्ना। चु चिठीरी तिमोथीदा जस्तोन दुख तसेनोन सेमहेन्सेन स्त्रीष्ट येशूला बारेरी पाङ्बाला पाङ्बान लउ भिसी पाङ्बा मुला। ओच्छे परमेश्वरला थाबा पिन्बा समाचारदेन पुरानो कबुलला सत्य तामगदेरी कोङ्सी चिउ भिसी पाङ्बा मुला। थेहङ् लसीन दुखदेन हेला नातो:मा लोप्बा म्हिदेन थाबा पिन्बा समाचार थे:ना लबा म्हिसे लतो:बा जम्मान गे लसीन चिबाला लागिरी आँट खबा सल्लाह पिन्बा मुला।

खास लसी तिमोथीदा चु चिठीरी “जम्बुलिङला मूर्ख तामगदेग्याम” जोगब तबाला लागिरी होशियार तना लबा मुला। चुहङ्बा मूर्ख तामसे ड्यान्बागदेदा फाइदा आत, बरु न्होङ्ना लमुला।

चु जम्मान तामला बारेरी पावलसे तिमोथीदा हाङदेन हाङसे लबारी म्हाइबा गेगदेला बारेरी पाङ्बा मुला। पावलसे हाङलान विश्वासला बारेरी, हाङसे नाबा तामला बारेरी, हाङसे लबा मायाला बारेरीदेन दुखला धुइरी नाबा तामगदे ढन्ना लबा मुला।

मुल तामगदे

- फ्याफुल्बा १:१-२
- स्याबासदेन आँट पिन्बा १:३-२:१३
- सल्लाह पिन्बादेन होशियार तना लबा २:१४-४:५
- पावलसे ह्वाङ्लान बारेरी पाङ्बा ४:६-१८
- चिठीला थुमरी भ्रिबा ताम ४:१९-२२

पावलसे तिमोथीदा भिबा न्हीरेमला चिठी

१ १-२ लास्सो, प्रभुरी सेम निबा डाला भा तिमोथीदा डा पावलग्याम फयाफुल्ला। डादा ख्रीष्ट येशूसे जुकजुकधोनाला जुनी पिन्ना भिसी लबा कबुल अन्छार परमेश्वरसे ख्रीष्ट येशूला मुल चेला दोबारी धम्बा हिन्ना। एदा परमेश्वर आबादेन यहाडला प्रभु येशू ख्रीष्टग्याम मोलमदेन दया ओच्छे शान्ति तगै। *

प्रभुला गे लबारी दुख थाम्हन्गो

३ डाला भा, डाइ सदन धिन म्हुन प्रार्थना लबा धुइरी एदा ढन्सी परमेश्वरदा धन्यवाद पिन्बा मुला। डाला आखे म्हेमेगदेसे तेन्बा हड लसी डाइ सेमहेन्सेन परमेश्वरदा तेन्बा मुला। ४ एला मीख्लीला धारा ढन्माम, डादा सदन एदेन छ्याम हुप तबा सेम खमुला, ओच्छे एदेन छ्याम हुप तम्याङ्सम डा ल्हानान ताङ्सेला मुबा। ५ एसे सेमहेन्सेन लबा एला

ज्यबा विश्वास डाइ ढन्बा मुला। थे विश्वास चा डाच्छा एला मम लोइसदेन आमा युनिससेनोन लमुबा। एला ममदेन आमासे लबा हड्बान विश्वास एसेनोन लबा मुला भिबा तामरी डा ढुक्क मुला। *

६ थेतबासेलमा डाइ एथोरी या थान्सी प्रार्थना लमा एसे परमेश्वरग्याम याङ्बा मोलमदा सदन सोना लसी थान्गो भिसी डाइ एदा ढन्ना लला। ७ तिग्दा भिसम परमेश्वरला आत्मासे यहाडदा लोङ्बा खबा आत्मा पिन्बा आरे, तर भङ, मायादेन हाडसे हाडदान तहरी थान्खम्बा आत्मा पिन्बा मुला।

८ थेतबासेलमा यहाडला प्रभुला बारेरी पाङ्बारी थापे:गो, ओच्छे डा भ्याल्खानरी मुला भिसीएनोन थापे:गो। तर परमेश्वरग्याम शक्ति याङ्सी थाबा पिन्बा समाचार थे:ना लसी डादेन छ्यामनोन दुख नाबारी तयार तउ।

६ परमेश्वरसे यहाडदा थार्ना लबा मुला।

थेसे यहाडला गे म्राड्सी आहिन,
तर थेसे म्हन्बा अन्छार ह्राडलान
दयामायग्याम यहाडदा
ह्राडला म्हि स्होबारी
इयोइबा हिन्ना।

चु ताम थेसे दडबोरीन ख्रीष्ट
येशूग्याम यहाडदा पिन्बा मुबा।

१० दान्दे थे दयामाया यहाडला थार्बा
पिन्बा ख्रीष्ट येशू फेप्खसी
यहाडदा उन्बा मुला।

थेसे कालदा नाश लसी यहाडदा
थार्बा पिन्बा समाचारग्याम
जुकजुकधोनाला जुनी उन्जी।

११ चुनोन थार्बा पिन्बा समाचार थे:ना
लबारीदेन लोप्बारी डादा मुल चेला
स्होसी धम्जी।* १२ थेतबासेलमा डाइ
चु दुखएनोन नाबान मुला। तसैनोन डा
खाइमै आपे:नी। तिग्दा भिसम डाइ
खाल्दा विश्वास लबा मुला थे ताम
डादा था मुला। ओच्छे जुन गे थेसे
डादा जिम्मा पिन्बा मुला थे जम्मान गे
थेसे पूरा लखम्ला। निसाफ लबा धिन
आततेधोना थे गे पूरा लबारी डादा
भड पिन्ना भिबा तामरी डा दुक्क
मुला।

१३ ख्रीष्ट येशूदेन छ्याम गिक तबा
विश्वासदेन मायारी डाग्याम लोप्बा
सत्य तामगदे अन्छार एसे गे लउ।
१४ एदा जिम्मा पिन्बा सत्य तामदा

यहाड न्हडरी धन्छ्याबा परमेश्वरला
आत्माग्याम जोगब लसी थान्गो।

१५ एशिया अञ्चलरी मुबागदे
जम्मान डाग्याम फेसी निजी भिबा एदा
थानोन मुला। फेसी निबागदे न्हडला
फुगेलसदेन हर्मोगेनसएनोन हिन्ना।

१६ प्रभुसे ओनेसिफरसला म्हेमेदा
दया लगै, तिग्दा भिसम थेसे डाला
दुखरी ल्हानान रेम आँट पिन्मुबा,
ओच्छे डा भ्याल्खानरी मुसैनोन डा
म्राड्सी थे आपे:मुबा। १७ तर थे रोमरी
धोखमैछ्याम डादा आस्याप्तेधोना
थेसे म्हाइबाला म्हाइबान लजी।
१८ निसाफ लबा धुडरी थेदा प्रभुसे दया
लगै। थेसे एफिसस शहररी डादा गाते
हो लजी भिबा ताम एदा थानोन मुला।

येशू ख्रीष्टसे कुल्बा ताम इयान्बा
म्हि

२ थेतबासेलमा डाला कोला, ए
ख्रीष्ट येशूसे पिन्बा दयामायारी
कोङ्गो। २ ओच्छे ल्हानान म्हिगदेला
गुडरी एसे डाग्याम थे:बा ताम
विश्वास लखम्बादेन लोप्बारी खम्बा
म्हिदा जिम्मा पिन्गो।

३ ख्रीष्ट येशूला ज्यबा सिपाही दोसी
डन्देन छ्याम दुख नाबारी तयार तउ।
४ सिपाहीरी भर्ना तबा म्हि खाइमै अर्गु
गेरी आकोल्मुला। तिग्दा भिसम थेला
सेमरी ह्राड भन्दा थोला म्हिदा ताङ्ना
लतो:ला भिबा जे तमुला। ५ ओच्छे

खेलरी भो किन्सी खेलला ठिम
अन्छार आक्लड्बा खजिबै म्हिसे
इनाम आयाडु। ६ जुन म्हिसे दुख लसी
खेती लला थेसेन डाच्छा रोबा बाली
याड्तोःला। ७ डाइ तिग पाड्बा मुला,
थे ताम म्हन्गो, तिग्दा भिसम जम्मान
ताम एदा प्रभुसे घोना लला।

८ दाऊद वंशग्याम फेप्खबा येशू
ख्रीष्टदा ढन्गो। थे सिबागदे न्हङ्ग्याम
सोबा मुला। डाइ थेःना लबा थार्बा
पिन्बा समाचार चा चुनोन हिन्ना।
९ थार्बा पिन्बा चुनोन समाचार
थेःना लबासे लमा डाइ दुख नाबान
मुला, ओच्छे अक् अपराधीदा
हङ् लसी डादा च्याल्दासे खीबा
मुला। तर परमेश्वरला थार्बा पिन्बा
समाचारदा खाइमै च्याल्दासे खीबारी
आखम। १० थेतबासेलमा परमेश्वरसे
धम्बागदेला लागिरी डाइ जम्मान दुख
नाला। तिग्दा भिसम थेनीगदेसेनोन
जुकजुकधोनाला यहालदेन शक्ति
ओच्छे ख्रीष्ट येशूग्याम थार्बा याङ्गै
भिसी डाइ चु दुख नाबा हिन्ना।
११ चुहङ् भिसी पाड्बा चा सत्य हिन्ना,
चुदे यहाड थेदेन छ्यामनोन सिबा
मुला भिसम
थेदेन छ्यामनोन सोला।
१२ यहाडसे दुख नाबारी खम्जी
भिसम
यहाडसेनोन थेदेन छ्यामनोन
शासन लम्याङ्ला,

तर यहाडसे थेदा विश्वास लबा
ख्लाजी भिसम
थेसेनोन यहाडदा ख्लाला।*
१३ यहाडसे विश्वास लबा ख्लासैनोन,
ख्रीष्ट सदन विश्वास लखम्बा
तला,
तिग्दा भिसम थेसे खाइमै हाडला
बचन आपो।

परमेश्वरसे हाडला गे लबारी धम्बा म्हि

१४ चु ताम थेनीगदेदा घोना लउ
ओच्छे आतोःबा तामरी कल
थालउ भिसी प्रभुला डाच्छा कुल्गो।
चुहङ्बा तामसे खालैदा ज्यबा
आत, तर इयान्बागदेदा न्होङ्ना जे
लला। १५ आपेःना परमेश्वरला सत्य
बचन अन्छार ज्यना लसी गे लबा
म्हिसे हङ् एसेनोन हाडसे हाडदान
परमेश्वरदा सेम निबा म्हि दोबारी
भड लउ। १६ ओच्छे परमेश्वरदा मान
आतबादेन मूर्ख तामगदे ख्लागो।
तिग्दा भिसम चुहङ्बा तामसे
म्हिगदेदा भन परमेश्वरग्याम थारेड
तना लमुला। १७ थेनीगदेला ताम
सइन तबा पोर हङ् तसी निमुला।
थेहङ्बा ताम लबा म्हिगदे न्हडला
हुमेनियसदेन फिलेतसएनोन हिन्ना।
१८ सत्य ताम ख्लाबा चुनोन म्हिगदेसे
थेनीगदे डाच्छान सिबाग्याम सोसी
जिन्बा मुला भिसी पाङ्मुला। ओच्छे

थेनीगदेसे विश्वास लबा कोइ कोइ
म्हिगदेदा मी न्होङ्ना लबा मुला।
१६तर परमेश्वरसे थान्बा सत्यला जग
सदन कोङ्सी चिला। ओच्छे थेथोरी
चुहङ्बा छाप लबा मुला, “प्रभुसे
हाङला म्हिगदेदा डोसेमुला,” ओच्छे
“प्रभुला मिन किन्बागदे पापग्याम
थारेङ चिगै।”*

२०फ्युकपोला दिमरी म्हरदेन म्हुङला
ताङ जे आहिन, तर सिङदेन साप्राला
ताङएनोन तमुला। चु ताङगदे कोइ
म्हिगदेदा क्योङ्बाला लागिरी तला
भिसम कोइ हाङलान लागिरी चलब
लबाला लागिरी हिन्ना। २१खालै म्हिसे
हाङदा पाप गेग्याम चोखो थान्जी
भिसम थे म्हि चा डोन्बोदा क्योङ्बारी
चलब लबा चोखो ताङ हङ्बान तला।
तिगदा भिसम थेसे हाङदान चोखो
थान्बासे लमा जम्मान ज्यबा गेरी
चलब लबाला लागिरी मालिकदा थे
सेम निबा तला।

२२थेहङ लसीन भ्योन मुबा धुइरी
सेमरी खबा नङ्बा तामगदे ख्लागो,
ओच्छे परमेश्वरदा सेम निबा म्हि
दोसी विश्वास, मायादेन शान्तिरी
ज्यबा सेमसे प्रभुला मिन किन्बागदेदेन
छ्याम भ्रउ। २३तर एसे मूर्ख तामदेन
गे आखेलबा ताम ख्लागो, तिगदा
भिसम चुहङ्बा तामसे कल जे तमुला
भिबा एदा थानोन मुला। २४प्रभुला गे
लबा म्हिसे चा कल लबारी आत, थे

जम्मानदेन छ्याम ढिक्बा, लोप्बारी
खम्बा, जस्तोन दुख तसे नाबारी
खम्बादेन २५जम्मान गेरी सोजो तसी
हाङदा बिरोध लबागदेदा घोना
लसी ज्यबा ग्याम उन्बारी खम्बा
म्हि ततो:ला। थेहङ लजी भिसम
परमेश्वरसे थेनीगदेदा थेन्से लबा पाप
ख्लासी सत्य ताम घोसी परमेश्वरपट्टि
दो:बा सेम पिन्ना तला, २६जमाहेन्से
होसरी खसी थेनीगदे शैतानना याग्याम
स्योर्ला। तिगदा भिसम शैतानसे कुल्बा
अन्छार भ्रगै भिसी थेसे थेनीगदेदा
खीसी थान्मुला।

लिच्छाला धुइरी परमेश्वरदा ख्लाबा म्हिगदे

३ लिच्छाला धुइ चा ल्हानान
दुखला धुइ तला भिबा ताम एसे
था याङ्गो। २तिगदा भिसम जमा धुइरी
म्हिगदे हाङदा जे माया लबा, ओच्छे
टाङ्गाला लिच्छा जे भ्रबा, डा हङ्बा
खालै आरे भिसी भ्रबा, डा जे चसे डा
जे भ्रसे भिसी भ्रबा म्हि, स्थान्दोदा
बिरोध लबा, आबा आमासे पाङ्बा
ताम आङ्ग्यान्बा, गुण आम्राङ्बादेन
परमेश्वरदा आतेन्बा, ३ओच्छे दया
आरेबा, ढिक्ना लबारी आखम्बा,
तामगन लसी भ्रबा, हाङसे हाङदान
तहरी आथान्बा, च्यामान लोङ्बा
खबा, ज्यबा ताम सेम आनिबा,
४धोका पिन्बा, तिगै वास्ता आलना

मूर्ख गे लसी भ्रबा, डा हड्बा खालै
आरे भिसी भ्रबा, परमेश्वरदा ताड्ना
आलना मोजमजा लसी भ्रबा सेम
लबा, ५परमेश्वरदा तेन्बा स्होबा, तर
परमेश्वरला शक्तिग्याम लबा गे चा
आहिन भिबा चुहड्बा म्हिगदेग्याम
थारेड तसी चिउ।

६तिग्दा भिसम थेहड्बा म्हिगदे
न्हडला कोइ कोइ चा दिम दिमरी
निसी पापी सेम थोबादेन पापसे नाड्बा
कमजोर मिडम्हेमेगदेदा ह्वाडला तहरी
थान्मुला। ७थे मिडम्हेमेगदेसे सदन
लोप्बारी मी म्हाइमुला, तर सत्य ताम
तिग हिन्ना भिसी खाइमै आसेमुला।
८यान्नेसदेन याम्ब्रेससे मोशादा बिरोध
लबा हड्बानो चु म्हिगदेसे सत्य
तामला बिरोध लमुला। चुहड्बा
म्हिगदेला बुद्धि न्होड्बा मुला, ओच्छे
विश्वास लबा स्होसी भ्रमुला।* ९तर
दाहेन्से थेनीगदे ल्हानान आटु, तिग्दा
भिसम थेनीगदे गाते मूर्ख चीम भिबा
ताम जम्मासेन म्हाड्ला। ओच्छे
यान्नेसदेन याम्ब्रेसदा खाहड् तमुबा
थेनीगदेदाएनोन थेहड्बानोन तला।

पावलसे तिमोथीदा कुल्बा ताम

१०तर डाइ लोप्बा ताम, डाला
बानीबेहोर, डाइ लबारी छ्याइबा गे,
डाला विश्वास, डाइ दुख नाखम्बा,
डाला मायादेन डा विश्वासरी गाते
कोड्सी चिबा मुला भिबा ताम

एसेन म्हाड्बा मुला। ११ओच्छे डादा
म्हिगदेसे पिन्बा दुखदेन डाइ नाबा
दुख एसे म्हाड्बा मुला। एन्टिओखिया,
आइकोनियनदेन लुस्त्रा भिबा ग्लारी
डाइ गाते ल्हाना दुख नाजी। तसैनोन
थे जम्मान दुखग्याम प्रभुसे डादा
जोगब लजी।* १२पाड्बानोन तोःमा
खीष्ट येशूदा सेमहेन्सेन तेन्सी थेदेन
छ्याम भ्रबागदे जम्मादान म्हिगदेसे
दुख मी पिन्नोन पिन्ना। १३तर पापी
सेम थोबा म्हिगदे स्थान्दोदा ठगब
लबारी म्हाइमा थेनीगदे ह्वाडनोन
भन भन न्होड्सी निला। ओच्छे
स्थान्दोदा धोका पिन्बागदे ह्वाडसेन
धोका याड्ला। १४तसैनोन ए चा
ह्वाडसे लोप्बा चु तामरी विश्वास
लसी कोड्सी चिउ। तिग्दा भिसम चु
ताम खाल खालग्याम लोप्जी भिबा
एदा थानोन मुला। १५एदा जजाहेन्सेन
परमेश्वरला बचन था मुला। थे बचनसे
खीष्ट येशूदा लबा विश्वासग्याम थार्बा
याड्बाला लागिरी एदा ज्ञान बुद्धि
पिन्खम्ला। १६चु बचनरी भ्रिबा जम्मान
ताम चा परमेश्वरला आत्माग्यामनोन
खबा हिन्ना। तिग्दा भिसम सत्य ताम
लोप्बारी, आतोःबा तामला दोष
उन्बारी, गल्ती तामगदेदा सोज्यब
लबारी ओच्छे परमेश्वरसे म्हन्बा
अन्छार भ्रबा लोप्बारी खम्मौ भिसी
हिन्ना। १७थेहड् लसीन परमेश्वरला
म्हिगदेसे जम्मान ज्यबा गेगदे लबारी

खम्मौ भिसीन परमेश्वरला बचन
पिन्बा हिन्ना।

४ ख्रीष्ट येशू ग्ले दोसी फेप्खमा
सिबादेन सोबा जम्मालान
निसाफ लला। थेतबासेलमा
परमेश्वरदेन येशू ख्रीष्टला डाच्छापट्टि
डाइ एदा चु ताम कुल्ला। २ धुइ मुसै
आरैसै ए खाइमादमान बचन थे:ना
लबारी तयार तउ, म्हिगदेदा अर्ती
पिन्गो, बङ्गो, आँट पिन्गो, ओच्छे
दुख तसै सेम नाबारीदेन लोप्बारी
थारुल्लागो। ३ तिगदा भिसम चुहङ्बा
धुइएनोन खबान मुला, जमा धुइरी
म्हिगदेसे सत्य ताम ड्यान्बा रूलाला,
थेनीगदे ह्वाडला सेमसे तिग म्हन्बा
थेनोन अन्धार जे भ्रला। थेहङ् लसीन
थेनीगदेसे ह्वाडदा सेम निबा ताम
लोप्बा म्हिगदेदा जे ड्योइला। ४ ओच्छे
थेनीगदेसे सत्य ताम ड्यान्बारी
रूलासी म्हिसे म्हन्सी पाङ्बा कथागदे
चा ड्यान्सी भ्रला। ५ तर एसे ह्वाडसे
ह्वाडदान जम्मान तामरी तहरी थान्गो,
ओच्छे जस्तोन दुख तसै नासी थार्बा
पिन्बा समाचार थे:ना लबा गे लउ।
थेहङ् लसीन एसे परमेश्वरदा तेन्बा गे
पूरा लउ।

६ डाइ चा डाला ल्हुइ परमेश्वरला
डाच्छा बलि फुल्सी एनीगदेग्याम
फेबारी छ्याइबा मुला। ७ डाइ दुख

नासी लतो:बा जम्मान गे लसी जिन्बा
मुला। ओच्छे डाइ विश्वासदा जोगब
लसी थान्बा मुला। ८ परमेश्वरदा सेम
निबा म्हि हिन्ना भिसी उन्बा मुकुट
याङ्बारी जे बाँकी मुला। थे मुकुट
ठीक निसाफ लबा प्रभुसेन थे धिनकुनु
डादा कूसी पिन्ना। चु मुकुट डादा जे
आहिन, तर थे दो:सी फेप्खला भिसी
थेदा माया लसी थेला ग्याम च्यासी
चिबागदे जम्मादान पिन्ना।

९ ए खम्तेधोना डादा हुप तबारी
योनान खउ। १० तिगदा भिसम डेमाससे
जम्बुलिडरी मुबा स्हेगदेदा माया लसी
डादा रूलासी थेसलोनिकेरी निजी।
ओच्छे क्रेसेन्स चा गलातियारी, तीतस
चा दलमातियारी निजी। * ११ लूका जे
डादेन छ्याम मुला। ओच्छे मर्कूसदा
म्हाइसी एदेन छ्यामनोन भसी खउ।
तिगदा भिसम थेसे डादा ज्यना लसी
हो लमुला। * १२ डाइ तुखिकसदा
चा एफिससरी पुइबा मुला। * १३ ए
खबा धुइरी त्रोआसरी डाइ कार्पस
मुबा ग्लारी रूलासी थान्बा घदेन
किताबगदे, ओच्छे ढिरी भ्रिबा
परमेश्वरला बचन आम्ले:ना भसी
खउ। *

१४ स्थाङ्बोला ताङ स्होबा
अलेक्जेन्डरसे डादा ल्हानान दुख
पिन्जी। थेसे लबा गे अन्धार प्रभुसेन

४:१० कल ४:१४; फिले २४; २ कोर ८:२३; गला २:३; तीत १:४

४:११ कल ४:१४; फिले २४; मुल १२:१२, २५; १३:१३; १५:३७-३८; कल ४:१०

४:१२ मुल २०:४; एफि ६:२१-२२; कल ४:७-८ ४:१३ मुल २०:६

थेदा खी किन्ना।* १५थे म्हि म्हाङ्सी एएनोन होशियार तसी चिउ। तिग्दा भिसम य्हाङ्से थाबा पिन्बा समाचार थे:ना लमा थेसे डन्दा ल्हानान बिरोध लजी।

१६डाच्छा डादा मुद्दा तमा डाला लागिरी खालैसेन तिगै ताम पाङ्सी आपिन्नी, तर जम्मासेन डादा ख्लासी निजी। चु तामला दोष थेनीगदेदा थातगै। १७तर प्रभु डादेन छ्याम तसी डादा भङ्ग पिन्जी। थेतबासेलमा डाइ अर्गु यहुलला म्हिगदेदा थाबा पिन्बा समाचार ज्यना लसी थे:ना लखम्जी। चुहङ्ग लसी परमेश्वरसे डादा सिबाग्याम जोगब लजी।† १८हिन्ना, अक्क प्रभुसेन डादा जम्मान आज्यबा तामग्याम जोगब लला, ओच्छे प्रभुसेन डादा जोगब लसी थेला

यहुल्सारी भोर्ला। थेला सदन मानदेन जयजयकार तगै। आमेन।

चिठीला थुमरी भिबा ताम

१९प्रिस्किलादेन थेला हेम्बो अकिलासदा ओच्छे ओनेसिफरसला म्हेमेदा फ्याफुल्बा मुला भिसी पाङ्सी पिन्गो।* २०इरास्तस कोरिन्थरीन चिबा मुला, तर त्रोफिमस चा आखम्बासे लमा डाइ थेदा मिलेटसरीन ख्लाजी।* २१ए खम्तेधोना सेख्ख खबा भन्दा डाच्छान खबारी भङ्ग लउ, एदा युबुलससे फ्याफुल्ला भिसी पाङ्बा मुला, ओच्छे पुडेस, लिनस, क्लौडियादेन जम्मान आलेगदेसेनोन फ्याफुल्ला भिसी पाङ्बा मुला।

२२प्रभु एला आत्मादेन छ्याम तगै। ओच्छे एदेन छ्याम प्रभुला दयामाया तगै।

४:१७ “सिबाग्याम जोगब लजी” भिबादा ग्रीक बाइबलरी च्यान्ना सुङ्ग्याम जोगब तजी भिसी भिबा मुला।

४:१४ १ तिमो १:२०; भजन ६२:१२; रोमी २:६ ४:१६ मुल १८:२; २ तिमो १:१६-१७ ४:२० मुल १६:२२; रोमी १६:२३; मुल २०:४; २१:२६